

Reegn un Spalten

Leggt Se sik mal en Tabell as düt an.

	A	B	C
1			
2	Gartenfest zur Mittsommernacht		
3			
4	Zweck	Kosten	
5	Miete Luftschloss	1.800,00 €	
6	2000 Kerzen	300,00 €	
7	Zauberer	500,00 €	
8	Feuerwerk	2.600,00 €	
9	Nektar und Ambrosia	500,00 €	
10	gewöhnliche Getränke	300,00 €	
11	Speisen	2.000,00 €	
12	Dienerschaft	1.500,00 €	
13	Blumen	400,00 €	
14			
15	Gesamt	9.900,00 €	

De Summe nern warrt natüürlich mit en Summenformel berekent. Formateert Se dat, as Se wüllt.

Reeg infögen

Annahmen, Se hebbt de Tabell baven trecht, un nu fallt Se in, dat Se ja wat Wichtiges vergeeten hebbt – dat Orchester t.B., dat de Live-Musik maakt? Dat schall ünner dat Fierwerk stahn. Wat doot Se? Se mööt en niege Reeg dor infögen.

- Rechtsklickt Se den Reegkopp vun de Reeg, **vör** de de niege Reeg rinkamen schall.
- In't Kontextmenü finnt Se den Befehl **Zellen einfügen**. Klickt Se op.
- Swupps, nu is en niege Reeg dor. Se is markeert. De Pinsel weist, dat dat Formatat vun de Nahversreeg övernahmen woor. Good so.

7	Zauberer	500,00 €
8	Feuerwerk	2.600,00 €
9		
10	Nektar und Ambrosia	500,00 €
11	gewöhnliche Getränke	300,00 €
12	Speisen	2.000,00 €

- Dreegt Se nu dat Orchester un de Kosten dorvun in.

8	Feuerwerk	2.600,00 €
9	Nektar und Ambrosia	500,00 €
10		
11		
12		
13		
14		
15		
16		
17		
18		
19		
20		

7	Zauberer	500,00 €
8	Feuerwerk	2.600,00 €
9	Orchester	
10	Nektar und Ambrosia	500,00 €
11	gewöhnliche Getränke	300,00 €
12	Speisen	2.000,00 €

➤ De niege Reeg is automaatsch in de Summe nerrn ünner de Opstellung opnahmen! Dat seht Se, wenn Se bi dat Orchester en Betrag intippt. De Summe warrt automaatsch nieg berekent!

	A	B	C
1			
2	Gartenfest zur Mittsommernacht		
3			
4	Zweck	Kosten	
5	Miete Lufts Schloss	1.800,00 €	
6	2000 Kerzen	300,00 €	
7	Zauberer	500,00 €	
8	Feuerwerk	2.600,00 €	
9	Orchester	4.000,00 €	
10	Nektar und Ambrosia	500,00 €	
11	gewöhnliche Getränke	300,00 €	
12	Speisen	2.000,00 €	
13	Dienschaft	1.500,00 €	
14	Blumen	400,00 €	
15			
16	Gesamt	13.900,00 €	
17			

Formeln passt op!

Wenn Se en niege Reeg inföögt merrn in en Beriek, de vun en Formel verhackstückt warrt, dennso warrt de niege Reeg automaatsch mit in den Beriek opnahmen. Datsülvige gellt, wenn Se niege Spalten inföögt. Anners is dat, wenn de niege Reeg an'n **Rand** vun den Beriek inföögt warrt. Denn köönt Se sik nich op verlaten, dat se in de Formel ok inbetrocken warrt. Dat schullt Se denn beter napróven un, wenn't ween mutt, de Formel anpassen.


Stückerwat Reegn opmaal infögen

Dat is ganz einfach. Wüllt Se t.B. fief Reegn infögen, denn markeert Se ok fief Reegn. Denn rechtsklickt Se den markeerten Beriek un wählt **Zellen einfügen**.

5	Miete Lufts Schloss
6	2000 Kerzen
7	
8	
9	
10	
11	
12	Zauberer
13	Feuerwerk
14	Orchester

Zack, nu sünd fief lerrige Reegn inföögt. Se sünd noch markeert, hebbt dat Format vun de ünner Nahversreeg arvt un sünd automaatsch in de Formel berücksichtigt (wenn en Formel op den Beriek togrippt).

En Klick woanners heevt de Markeern op – dat kennt Se ja al. Denn is allens trecht.




Spalt infögen

Liekso as bi Reegn geht dat Infögen vun Spalten.

- Rechtsklickt Se den Spaltenkopp vun de Spalt, **vör** de de niege Spalt henkamen schall.

A	B	C
	Gartenfest zur Mittsommernacht	
	Zweck	Kosten
	Miete Lufts Schloss	1.800
	2000 Kerzen	300
	Zauberer	500
	Feuerwerk	2.600
	Orchester	4.000
	Nektar und Ambrosia	500
	gewöhnliche Getränke	300
	Speisen	2.000
	Dienschaft	1.500
	Blumen	400


- Wählt Se ut dat Kontextmenü **Zellen einfügen**.
- En niege lerrige Spalt is dor. Se is markeert un formateert (Pinsel).
- Wüllt Se stückerwat Spalten infögen, maakt Se dat liekso as bi de Reegn: markeert Se tovöör jüst so veel, as Se hebben wüllt.



Reegn un Spalten löschen

Nu will een ja faken ok Reegn un Spalten loswarrn, de överflödig sünd. Woans geht dat? Dat weet Se villicht noch ut dat Fehler-Kapittel.

- Se rechtsklickt den Spalten- orr Reegnkopp vun de Spalt orr Reeg, de Se loswarrn wüllt,
- wählt ut dat Kontextmenü **Zellen löschen**,
- un weg is't!




De Spalten- un Reegnummern vun de nableven Spalten un Reegn warrt denn automaatsch korrekt anpasst. Dat heet, de Spalt, de tovöör C heet, rückt denn op un heet miteens B!

Un wenn dor Formeln op togriep? Keen Problem – de Formeln warrt an düsse niege Nummereerung anpasst. Dor mööt Se sik gor nich üm kümmern. Komodig, nich? – Wat anners is dat, wenn de Formeln op de Reegn un Spalten togriepen dään, de löscht woorn. Denn kümmt dat to den Fehler **#BEZUG!**, den wi op Siet 46 bespraken hebbt.

Reegn un Spalten verstecken

Wenn Se sik dat Kontextmenü vun de Reegn- un Spaltenköpp nipp ankeken hebbt, hebbt Se de Befehle **Ausblenden** un **Einblenden** sehn. Wat maakt de denn? Dat wüllt wi nu rutfinnen.

Nieschierneesig west?


Hebbt Se al vör luter Nieschier in't Kontextmenü vun en Spalt orr Reeg op **Ausblenden** klickt? Weg is se! Dat is avers nich leeg. Se köönt dat mit den **Rückgängig**-Piel  orr mit den Menübefehl **Bearbeiten | Rückgängig** noch wedder trüchdreihn.


Wi wüllt us nu so en Tabell anlegen. Welk Naams, Nummern un Tallen Se nau indraagt, is nich wichtig. De Tabell is natüürlich allens annere as en korrekte Kalkulaschoon!

	A	B	C	D	E	F	G
1	<u>Preiskalkulation</u>						
2							
3							
4	Artikelnummer	Artikel	Einkaufspreis pro Einheit	bestellte Stückzahl (Einheiten)	Nettopreis	Gewinn	Endpreis
5	76540	Schokoladenzigaretten	20,00 €	3			
6	89743	Haschzigaretten	25,00 €	5			
7	07432	Marihuanaaugummi	35,00 €	7			
8	08451	Gummibärchen	20,00 €	13			
9	87864	Cola-Gummibärchen	30,00 €	2			
10							

De Ingaav- un Formateerschreed sünd en gode Öven to'n Wedderhalen. Wi maakt dat tosamem.

- De Schrift is Bookman Old Style. Bi de Överschrift schön groot (egaal wa groot), bi den Rest heff ik 10 pt nahmen, dat köönt Se avers hollen, as Se wüllt.






- För de Överschrift mööt Se de Hööcht vun de Reeg richtig anpassen.

- Dat Woort **Artikelnummer** passt nich ganz in sin Spalt, un de rechte Halv dorvun verswinnt, wenn Se **Artikel** intippt.

Artikelnum	Artikel
------------	---------


 Wat doon? Spalt breder maken? Avers de Artikelnummern sülven sünd ja heel kort, wat bruukt de en brede Spalt? Nee, dat mutt anners gahn. So:
- Markeert Se sik alle Zellen in düssen Tabellnkopp (orr glieks de ganze Reeg) un wählst Se **Format | Zellen** (Afkörten: **Strg + 1**).
- Gaht Se op de Registerkoort **Ausrichtung** un sett Se den lütten Hoken bi **Zeilenumbruch**. **OK**.
- Nu dröff de Text in de Reeg ümbraken warnn! Se mööt bloots noch de Hööcht vun de Reeg anpassen.



	Artikelnu	
4	mmer	Artikel
5		

- Dat Ümbreken passeert ok glieks, avers nich so, as wi us dat vörstellt hebt. Excel beherrscht ja keen Silbentrennung!

- Nu mööt wi nahelpen. Markeert Se de Zell, klickt Se in de Bearbeitungsliet un sett Se en Bindestrich (Minusteken) an de Steed, 'neem de Trennung hen schall. **Enter**. – Düssen Wink mit'n Tuunpahl kapeert Excel.



	Artikel-	
4	nummer	Artikel
5		

- Mit de Indrääg in'n Tabellnkopp, de sowiso ut stückerwat enkelte Wöör tosamensett sünd, hett Excel dat lichter: De breekt dat an de Leerteken üm, wo't kann.

Einkaufspreis	bestellte
pro Einheit	Stückzahl
	(Einheiten)

De Ümrahmung usw. kriggt Se alleen hen, nich?


Föhren Nullen

Nu wartt de Artikelnummern ingeven, un süh, dat neegste Problem duukt op. Stückerwat vun de Artikelnummern fangt mit en Null an, avers dat kannst intippen, so faken du wullt, Excel maakt de Null jümmers wedder weg! Woneem liggt dat an? Weet Se dat?


Richtig: Excel faat den Inhoff vun de Zell automaatsch as Tall op. Un in Tallen hebbt föhren Nullen keen Bedüden un köönt weg! **007** is jüst so veel as **7** bi en Tall. Eenzige Utnahm: De Null vör't Komma: **0,25**. De lett Excel stahn. Nullen achter dat Komma warrt avers ok weg-löscht, wenn se ahn Bedüden sünd: ut **0,250000** maakt Excel **0,25**. Dor kennt dat nix!

Dat Problem is also, dat Excel de Saak as Tall opfaat. Dat avers köönt wi em utdrieven! Un Se hebbt ok al lehrt, woans. Probeert Se't eerst sülvten, ehrdat Se de Anwiesen folgt, de nu kümmt!

- Markeert Se alle Zellen, 'neem Artikelnummern in stahn schallt.




- Wählt Se **Format | Zellen** (Afkörten: **Strg + 1**), Registerkoort **Zahlen**.
- De Zellen sünd in't Format **Standard**. Formateert Se ehr einfach as **Text**!
- In en Henwies vertellt Excel al, dat de Tallen nu as Text behandelt warrt. Se köönt nich mehr mit reken. Avers woken reket denn mit Artikelnummern?! **OK**.
- Upps, nu sitt de Artikelnummern ja links! Klar, Text warrt linksbündig sett! – Wenn Se't ännern wüllt, sett Se't rechtsbündig.



- Un as weer dat nich noog, hett Excel de Zell nu mit en grön Dreeangel utstatt. Klickt Se op, kümmt noch en Henwies vörtüüg:

7	07432	uanakaugummi	35,00 €	7
8		Gammibärchen	20,00 €	13
9		Die Zahl in dieser Zelle ist als Text formatiert oder es ist ein Apostroph vorangestellt.		
10				

- Jajaja!!! Excel kann ganz schön nervig ween. Wenn Se **Fehler ignorieren** klickt, warrt Se ok den Dreeangel los.



- Nu köönt Se de Tallen mit föhren Nullen endlich korrekt ingeven.

Telefoonnummern un Postleittallen!

Düsse Technik is sünnlich to bruken, wenn een Telefoonnummern ingeven mutt; dat passeert faken in Datenbanken, de een ok mit Excel wuppen kann. Woans dat geht, lehrt

Se later in de Delen för „Fortgeschrittene“. Ok mennig Postleittallen ut Oostdütschland fangt mit en Null an! To'n Glück sünd dat allens Tallen, mit de wi nich reken bruukt. Orr wokeen multiplizeert Postleittallen?

Man wenn ik mit de Tall reken mutt?

Ok denn gifft dat en Utweeg. Se köönt Excel uttricksen un em bipulen, richtige Tallen mit föhren Nullen to schrieven. Sogoor mit drie föhren Nullen, wenn Se wüllt. Dorto mööt Se egen Tallenformaate entwickeln, Woans dat geht, lehrt Se later – dat is ok „fortgeschritten“.

So, nu köönt wi den Rest vun de Tabell utfülln. Dat geht gau.

- De Formel för den Nettopries is natürlich = **Einkaufspreis * Stückzahl**.
- Düsse Formel kunnen Se nu natürlich na nerrn trecken. Denn is de Spalte Nettopreis al richtig utrekent. Avers wi sünd noch plietscher un rekennt eerstmal alle Formeln in de eerste Reeg dör – un **denn** treckt wi ehr all tosamen dal!

	C	D	E	F
		bestellte Stückzahl (Einheiten)		
	Einkaufspreis pro Einheit		Nettopreis	Gewinn
	20,00 €	3	=C5*D5	
	25,00 €	5		

D	E	F	G
bestellte Stückzahl (Einheiten)	Nettopreis	Gewinn	End
3	60,00 €	=E5/2	
5			

- Nu kaamt wi na de Spalt mit den Gewinn. Wi sünd driest un wüllt jümmers noch mal 50% opslaan. Dat wannert in uns Tasch.
- De Formel för den Gewinn is denn einfach: = **Nettopreis/2**.
- För den Endpries is dat liekso einfach: Nettopries un Gewinn warrt tosamentellt.

	D	E	F	G
	bestellte Stückzahl (Einheiten)	Nettopreis	Gewinn	Endpreis
4				
5	3	60,00 €	30,00 €	=E5+F5
6	5			

D	E	F	G
bestellte Stückzahl (Einheiten)	Nettopreis	Gewinn	Endpreis
3	60,00 €	30,00 €	90,00 €
5			
7			

- Nu köönt wi kopeern. Markeert Se alle drie Formeln tosamen, faat Se ehr an den swatten Treckpunkt un treckt Se ehr dal.

D	E	F	G
bestellte Stückzahl (Einheiten)	Nettopreis	Gewinn	Endpreis
3	60,00 €	30,00 €	90,00 €
5	125,00 €	62,50 €	187,50 €
7	245,00 €	122,50 €	367,50 €
13	260,00 €	130,00 €	390,00 €
2	60,00 €	30,00 €	90,00 €

- Trecht!



- To'n Sluss wüllt wi vun düsse Warenopstellung de Summe trecken. Se schall ünner de Endpriesen stahn.
- Maakt Se dat beten trecht, dat de Summe smuck utsüht.
- Nu is dat avers endgüllig trecht!

	Endpreis
0 €	90,00 €
0 €	187,50 €
0 €	367,50 €
0 €	390,00 €
0 €	90,00 €
	1.125,00 €

Endpreis
90,00 €
187,50 €
367,50 €
390,00 €
90,00 €
=SUMME[G5:C9]
SUMME(Zahl1; [Zahl2]; ...)

Nu mööt wi ja bi ehrliche Betrachtung togeven, dat de Tabell wat Unseriöses hett. Alleen de Aart vun Waren, de dor utgeven warrt...! De drieste Aart, mit de de Gewinn opslaan warrt...!

Un apensichtlich warrt dat ok noch ahn Mehrwertstüer verköfft – also „swatt“! Nee, so en Laden, as wi hier in Gang sett hebbt, dat is en Slamperie.

Nu kümmt avers de Kunde, de düsse Waren bestellt hett. He kiek Se över de Schuller. Schall de Kunde sehn, wa veel wi em tosätzlich ut de Tasch treckt? Nee! He schall de Spalten „Einkaufspreis“, „Nettopreis“ un „Gewinn“ nich to sehn kriegen! Wat doot wi? Wi verstekt de Spalten!


- Rechtsklickt Se den Spaltenkopp vun de Spalt mit den **Einkaufspreis**.
- Wählt Se ut dat Kontextmenü **Ausblenden**.
- Swupps, de Spalt is weg! Is se löscht?
- Nee! Süss weern ja de Spaltenbookstaven nieg dörteelt woorn. Sünd se avers nich – twüschen Spalt B un D fehlt einfach dat C! – De Spalt is wüchlich bloots versteken.

B	D
lkulation	
	bestellte Stückzahl (Einheiten)
adenzigaretten	3
igaretten	5



- Un wat is mit de Formeln wieder rechterhand? De rekent seelenruhig wieder! Ok düt is en Henwies, dat de Spalt nich löscht is; anners harr dat ja Fehler geven.

Övertüügt Se sik!


Maakt Se de Proov op't Exempel! Wat passeert, wenn wi de Spalt einfach **löscht**? Se köönt dat Versteken mit den **Rückgängig**-Piel  orr mit den Menübefehl **Bearbeiten | Rückgängig** gau trüchdreihn un nu wüchlich de Spalt löschen. Wat passeert? – De Formeln rechterhand meckert as för dull: **#BEZUG! #BEZUG! #BEZUG!** – Alle. Denn in alle Formeln is de Einkaufspreis inreKent. – Maakt Se dat Löschen gau wedder **Rückgängig!** – Is de Spalt avers bloots versteken, nich löscht, denn reKent alle Formeln korrekt wieder.

	bestellte Stückzahl (Einheiten)	Nettopreis	Gewinn	Endpreis
n	3	#BEZUG!	#BEZUG!	#BEZUG!
	5	#BEZUG!	#BEZUG!	#BEZUG!
i	7	#BEZUG!	#BEZUG!	#BEZUG!
	13	#BEZUG!	#BEZUG!	#BEZUG!
	2	#BEZUG!	#BEZUG!	#BEZUG!
				#BEZUG!

Is de Spalt löscht, denn gifft dat Fehlers. Is se bloots verstecken, is dat Reken keen Problem!


Nu geht dat wieder. Wi wüllt nu de Spalten „Nettopreis“ un „Gewinn“ op een Slag verstecken.

- Markeert Se beed Spalten tohoop: Se ö-verstrieckt mit daldrückte Muustast de twee Spaltenköpp.
- Rechtsklick, in't Kontextmenü **Ausblenden**.
- Swupps, trecht. So en nüdelige lütte Kalkula-schoon kriggt de Kunde to sehn! Un alle Tal-len stimmt.




	A	B	D	G
1	Preiskalkulation			
2				
3				
4	Artikelnummer	Artikel	bestellte Stückzahl (Einheiten)	Endpreis
5	76540	Schokoladenzigaretten	3	90,00 €
6	89743	Haschzigaretten	5	187,50 €
7	07432	Marihuanaaugummi	7	367,50 €
8	08451	Gummibärchen	13	390,00 €
9	87864	Cola-Gummibärchen	2	90,00 €
10				1.125,00 €

An de Spaltenbookstaven kannst natüürlich sehn, wat dor Spalten „fehlt“ – avers so plietsch sünd bloots wi, nüms süß!

Nu wüllt wi de Saak ja avers wedder trüchdreihn. Nee, nich mit **Rückgängig! Rückgängig** geht ja ok nich jümmers. Wenn Se de Tabell t.B. twüschendörch spiekert un slaten hebbt un ehr neegsten Dag wedder apenmaakt – denn is **Rückgängig** nich möglich!  Liekers köönt wi de Spalten wedder sichtbar maken.

- Markeert Se de Spaltenköpp vun de twee Spalten, de blangen de verstecken Spalt sitt – also vun de Nahversspalten.
- Rechtsklickt Se ehr un wählt Se ut dat Kontextmenü **Einblenden**.
- Swupps – de twee verschwunnen Spalten sünd wedder dor!




	D	E	F	G
tion				
bestellte Stückzahl (Einheiten)				
	Nettopreis	Gewinn	Endpreis	
3	60,00 €	30,00 €	90,00 €	
5	125,00 €	62,50 €	187,50 €	
7	245,00 €	122,50 €	367,50 €	
13	260,00 €	130,00 €	390,00 €	
2	60,00 €	30,00 €	90,00 €	
			1.125,00 €	

De twee verstecken Spalten E un F sünd wedder to sehn; se sünd markeert, liekso as ehr Nahversspalten D un G, twüschen de se verstecken weern.
 Een Klick woanners heevt de Markeering op.

- Liekso blendt Se de verstecken Spalt C wedder in: Se markeert de twee Nahversspalten B un D un wählt ut dat Kontextmenü **Einblenden**.
- Nu is de Kalkulaschoon wedder kumplett.

Op desülvige Wies köönt Se ok Reegn verstecken un wedder vörtüüg halen. Spalten un Reegn hebbt ja neegto datsülvige Kontextmenü.





Un wat is, wenn ik de allereerste Spalt utblenden will?

Plietsch fragt! Versöök Se't mal. Verstecken geht licht: Spaltenkopp A rechtsklicken, **Ausblenden**. Man woans schallt wi ehr wedder vörhalen – se hett ja linkerhand keen Nahversspalt?

Se köönt nu versöken, dat bloots mit Spalt B hentokriegern. Man dat klappt nich. Spalt A blifft weg!

Nu gifft't'n Trick: Markeert Se dat ganze Tabellenblatt. Klickt Se dorto op den Snittpunkt vun Reegn- un Spaltenköpp baven links – orr nehmt Se den Tastengriep **Strg + A**.





Denn wählt Se Menü **Format | Spalte | Einblenden**. – Nu wartt alle verstecken Spalten miteens wedder sichtbar!

Natüürlich geht dat liekso ok mit Reegn. Wenn Se de eerste Reeg verstecken hebbt, mööt Se denn **Format | Zeile | Einblenden** nehmen.

Kommentaarn

Nu maakt wi noch wat Praktisches: Wi sett lütte Notizen in't Tabellnblatt. T.B. is dat ja wichtig, dat de Spalten mit de verräterischen Infos gau verstecken warrt, wenn en Kunde kümmt, nich? Dat schall nu in't Tabellnblatt anmarkt warm – as en Kommentaar.


- Rechtsklickt Se de Zell mit den Text „Einkaufspreis pro Einheit“ in'n Tabellnkopp.
- Wählt Se ut dat Kontextmenü **Kommentar einfügen**.
- Nu kümmt en lütte Box, in de Se rinschrievn köönt! Mehrst steiht dor al de Naam vun den Minschen, op den dat Bedreevssystem registreert is. Man ok den köönt Se weglöschn.




- Wenn Se hier **Enter** drückt, kriggt Se bloots en niegen Absatz. Dörüm mööt Se nu woanners klicken, dat de Box verswinnt.
- Swupps. Nu hett de Zell, de den Kommentaar hett, en lütt rood Dreenagel baven rechts. De is dorför da, dat jedereen weet: Hier gifft dat wat Wichtiges to lesen, hier is en Kommentaar!



- Wenn een bloots op de Zell wiest, kümmt al de Kommentaar vörtüüg!



- Wüllt Se an den Kmntaar achterna noch wat ännern, rechtsklickt Se einfach de Zell un wähl't **Kommentar bearbeiten**.
- Nu köönt Se t.B. den Text verännern.




- Se köönt avers ok an den Rand vun de Textbox trecken. Seht Se staats den Muuswieser en veerfachen Piel, denn kümmt de ganze Textbox mit.




- Se köönt ok de Textbox ehr Grött verännern: Wiest Se op en Eckpunkt; de Muuswieser wart to'n Duppelpiel. 


- Treckt Se nu, wart de Box lütter orr grötter – je na Richt. Man dat bruukt een selten.



- Is de Kommentaar so wichtig, dat he jümmers to sehn ween schall, denn köönt Se em ok duerhaftig wiesen laten. Rechtsklickt Se dorto de Zell un wählt Se **Kommentar anzeigen**.
- Nu is de Kommentaar jümmers to sehn – ok wenn Se nich op de Zell wiest. Dat is lästig. De Textbox verdeckt anner wichtige Daten in't Tabellnblatt. Sowat döög bloots för de allerallerwichtigsten Kommentaarn!



- Se maakt dat wedder weg, indem dat Se ut dat Kontextmenü **Kommentar ausblenden** wählt. Nu is de rode Dreieck wedder dor.
- Un natüürlich köönt Se ok den **Kommentar löschen**, wenn Se em nich mehr bruukt!



Dat weer ja man licht, nich? Spiekert Se sik de twee Tabelln, de wi in düt Kapitel maakt hebbt, good af! Se bruukt ehr later wedder.

As neegst maakt wi Diagramme – de gaht ok licht.